

Zeitschrift: L'ami du patois : trimestriel romand
Band: 41 (2014)
Heft: 158

Artikel: Cein que s'è passâ du lo forî
Autor: Goumaz, Marie-Louise
DOI: <https://doi.org/10.5169/seals-1044906>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 29.03.2026

ETH-Bibliothek Zürich, E-Periodica, <https://www.e-periodica.ch>

CEIN QUE S'È PASSÂ DU LO FORÎ

Marie-Louise Goumaz, Chexbres (VD)

AMICALA DAI PATOISAN DE SAVIGNY, FORI ET EINVERON

Lo 25 de mâ îre lo dzo anniverséro de la moo de Frèderî Mistral que no z'a quittâ ein 1914. Sti dzo quie, dein lo mondo eintié on sè rassovin dè li et de cein que no z'a lâissî. Hommâdzo lâi è reindu. L'è cein que Henri Niggeler a fé à l'eintrâie dâo motî de San-Lerdzî dèvant la paletta, ein rassovenî de l'ametî eintre Alfred Cérésòle et Frèderî Mistral. Lè Sansounet ant tsantâ.

Lo deçando 12 d'avrî, Lo Vîlyo Lavaux l'a z'u sa tenâblia statutéra. Sta sociètâ s'escormantse à veillî su Lavaux, que pèse pas sè vîlyo z'ottô, sè tsemenet, lè z'ése et lè z'uti dâi z'autro yâdzo, que pouésse vouârdâ cein que lè z'anchan l'ant bâtî. Balyant tî lè z'an on prî à clliâosique qu'âovrant assebin po mantenî noûtron patrimoîno. Et, sti an, l'è noûtron novî presideint, Pierre Devaud, qu'a reçu lo prî po l'Amicâla. L'a remachâ Lo Vîlyo Lavaux bounadrâi et Lè Sansounet l'ant tsantâ la vegne.

Lâi a z'u la salyâita lo 18 de djuin. Route po Evolène. Aprî onna pausa po vouâtî clliâo sorte de tsampagnon que lâi diant « Les pyramides d'Euseigne » et lo dînâ à Evolène, n'ein z'u lo plliésî de reincontrâ Gisèle Pannatier, onna précauda permi lè patoisan valèjan. No z'a guidâ dein lo vîlyo velâdzo yô n'ein pu vesetâ on tsalet ; no z'a esplliquâ tot cein qu'îre espèchè et quemeint lè granâi îrant bâtî. Pu n'ein pu vère on atilié de tessâdzo yô fant oncòra vouâi dâi vetîre su la lanna de muton. Einaprî, n'ein vesetâ lo musée yô lâi a prâo à osservâ. Grand macî à Gisèle que no z'a prâo interessî.

Trâi dzo pe tâ, dan lo 21 de djuin, onn'eimpartyâ dâi z'ami sè sant retrovâ à Pouâidâo por onna tenâblia dèvant lè grand condzî dâo tsautein. N'ein dzoû on momenet ein rassovenî de trâi meimbro fidèlo que no z'ant quittâ âo forî : Pierre Guex, lo riére-menistro, Lucie Maillard et Georges Sunier lo martsau. Marienna Niggeler et s'n hommo Henri ant reçu onna lottâie de remâchameint et on preseint po cein que sè dèmeinnant po mantenî et eimparâ lo patois. Henri no dèvese dâo pacte de la Confèdèrachon, translatâ ein patois pè Pierre Guex, et coumandâ pè la coumoûna de Villarzel que fîte sè 800 an. On èseimplyéro a ètâ balyî âi z'Archivè fèdèrâlè à Chevitse.

Lâi a oncòra prâo pan su lo lan mâ lo tsautein l'è arrevâ : tot dè bon à tî lè patoisan et à l'âo z'ami.